

Broj: 0101-6229/19
Sarajevo, 5.7. 2019. godine

Univerzitet u Sarajevu
N/r dekanesa/dekana/direktorica/direktora
N/r prodekanesa/prodekana za nastavu

Predmet: interni poziv za učešće u trećem ciklusu TRAIN programa u akademskoj 2018/2019. godini

Poštovane dekanese/direktorice, poštovani dekani/direktori,
Poštovane prodekanese/poštovani prodekani,

TRAIN Program se na Univerzitetu u Sarajevu uspješno realizuje od septembra 2013. godine. Finansijsku podršku realizaciji Programa obezbijedila je Fondacija kralja Baudouina, dok je Univerzitet u Sarajevu preuzeo njegovo finansiranje u zadnje dvije godine. U toku akademske 2018/2019. godine realizaciju dva ciklusa TRAIN Programa podržava UNICEF BiH. Kurikulumi pojedinačnih modula Programa inicijalno su razvijeni u saradnji sa EU partnerima, te naknadno unaprijeđeni u skladu sa BiH kontekstom visokog obrazovanja sa osvrtom na specifičnosti oblasti koje se tretiraju.

Polaznici ovog Programa kroz ponudu od devet modula dopunjuju znanja i vještine iz tri oblasti važnih za cjeloživotno učenje i usavršavanje akademskog osoblja: 1. Nastavničke kompetencije kako bi svaka organizacija unutar univerziteta postala organizacijom koja uči, 2. Metodološke kompetencije u kontekstu novih zahtjeva za vještinama projektiranja istraživanja na zajedničkom prostoru evropskog visokog obrazovanja i 3. Preduzetničke kompetencije koje svaku organizaciju visokog obrazovanja pretvaraju u privrednog subjekta spremnog za samoodrživost.

TRAIN Program predstavlja Program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu. Nakon petogodišnje realizacije, a u skladu sa Odlukom Senata broj 01-1093-12/18 od 28.11.2018. godine usvojene su njegove Izmjene i dopune. Pravo učešća u Programu ima akademsko osoblje Univerziteta u Sarajevu u saradničkim/nastavničkim zvanjima. Nakon uspješno absolviranog Programa Univerzitet u Sarajevu učesnicima izdaje certifikat, koji ujedno služi i kao dokaz o minimumu pedagoškog obrazovanja kandidata.

Poziva se akademsko osoblje Univerziteta u Sarajevu u saradničkim/nastavničkim zvanjima da se prijavi za učešće u trećem ciklusu TRAIN programa. Više detalja u vezi sa prijavom dostupno je u okviru Internog poziva koji je objavljen na web stranici Univerziteta u Sarajevu (www.unsa.ba). Rok za podnošenje prijave za učešće u trećem ciklusu je **26. 7. 2019. godine**.

Ovim putem vam se obraćamo molbom da ovaj dopis učinite dostupnim vašem akademskom osoblju, kao i da zainteresiranim kandidatima vašeg fakulteta/akademije omogućite učešće u TRAIN programu.

S poštovanjem!



PROREKTOR
Prof. dr. Aida Hodžić